

զնոսա. որ իրեք օր դառն հոտ ձենձերաց նոցին ոչ գնաց ի Լով քաղաքէն¹ :

Ժա. ՀՐԴԵՀ ԵԱՐՈՍԼՈՎԻ 1627²

Արդ ի թվին ՌՉԶ (1627) օգոստոս ժե, աւուր Փոխման Սուրբ Աստուածածնին եղեցասում Լէհաց երկրի, զի անկաւ հուր մեծ ի քաղաքն Եառասլով հառմարքին ատենն, ուր
 5 էին ժողովեալ բազում եւ յովով ազգ եւ ազգ վաճառականք ամենայն աշխարհաց եւ դաւառաց, այլ եւ այլ տեղաց՝ հեռաւորաց եւ մօտաւորաց, անթիւ գանձիւ եւ անհամար զու
 մաշով, զոր հրակիրեալ այրեցաւ բոլոր քա
 10 ղաքն հանդերձ պարսպօք, տամբ եւ տեղօք: Եւ կամարակազ գմպէթաչէն քարեայ տաշածու եկեղեցիքն եւ վանորայքն եւ տներն ամէն. զի ոչ մնաց բնաւ ամենեւին չէնք. եւ կիզաւ
 բազմութիւն գանձուց եւ կումաշից, զոր ոչ
 15 կարեմ թուով կամ գրով արկանել զանթվելի համար վնասուցն: Այլ եւ բազում մարդիկ այրեցան. եւ այլք կիսայրեացք եղեալ. այլք խելաց թափեցան. եւ մոլէզնեալք կատաղեցան վասն կսկծելի աղէտից վնասուն. ոմանց
 20 զգեստն այրեալ, կիսոց մօրուքն, այլոց մորթն սեւացեալ եւ հերքն այրեցեալ եւ խանձեալք, այլք մազապուրծ եղեալ զերծեալք եւ ի փախուստ դարձեալք հաղիւ քաղաքէն ի դուրս

¹ Սիմէոն այստեղ զետեղած էր իւր Լվով փոխադրուելու պարագան, զոր յառաջ բերած էինք էջ 355—356:

² Այս հատուածը ուրիշ խմբագրութեամբ. տե՛ս Յաւելուած Ա., էջ 385—386: